

章氏宗譜

章氏宗譜
卷之五





第六本


《篇 文 艺》

外篇诗赞

友声礼重
祝鹿眉之寿
凡为国人学士名公巨

共和辛未重修

LIBRARY



南窗章氏宗譜

艺文外篇

自来人以文传亦文以人重故百家文集之中投赠应酬之作往往其人其文並可以寿金石者艺文内篇诸作尚已先世之文章德业已见一斑然而诗歌伐木不忘友声礼重乞言有资宪典以故或春树怀人或河梁送别或祝庞眉之寿或赞巾幗之贤与夫题碑铭墓颂德歌功凡为骚人学士名公巨卿所撰贈见诸载籍传之后昆者皆不可不奉为世宝者也今特别为篇俾后之覽者见其文即见其人是亦徵文考献之道也

艺文外篇

古今体诗

气湿沧海雨龙随蛰隐紫霄云鹤远蝉喧尘埃不上床头易孔孟门庭有后昆

紫凤朝阳动一吟英雄千古泪沾襟生回丹穴原无梦死在天罗不易心汤祝忽开三面纲虞韶犹听九成音秋风夜雨梧桐老却恐山人思不禁

录挽章恭毅公诗一首

李东阳

大学士

极知天下无难事闻道先朝有直臣万死不输三寸舌一生谁是百年身英灵气已归河岳遗草天应护鬼神欲向朱云借时剑九泉重斩负恩人

徐

铎

吏部尚书

逆风奔浪出惊津白首生还再造身壮节早知酬国易老怀淮使上心频勋名汗竹千年事富贵黄粱一梦春极目东南山斗地几人江海隔清尘

林

瀚

户部尚书

当年秉笏侍金扇直概英风动九围日月重光神气定庙堂无事諫书稀两京台鼎频迁秩万壑烟霞早息机闻道天章封墓日雁山草木又增辉

陈

锐

平江伯

直道匡君见始终心如铁石气如虹逆鳞不为忘生虑折槛宁辞许国忠冰蘖一生全大节简编千古播清风明时舆论今犹在造化无情早夺公

倪岳 吏部尚書

远佐南铨更秩宗两朝清宦圣恩同归来已遂闲居乐老去犹存直
深风诏赠新衔传美溢史编旧疏表遗忠晚生方切通家谊无限深
情感慨中

稽宗孟

乔木空山叫子规荒祠云护侍郎碑南官挥诏徵遗子北阙停杯读
旧诗庙貌还同松岳峙臣心不受劫灰吹征貂难致溪毛意瞻仰檉
题动远思

韩文 都御史

卓彼先觉间世瑰奇渊乎其学粹乎其资纲常攸在极力扶持故逆
鳞之触犯霄直气之不少移但所期心安而理得岂暇顾言出而祸

随儿濒死於市朝之拋幸全生於縲紲之危此先生之志惟天所知
而先生之事非人所能为噫折檻朱云还笏遂良微斯人吾谁与归
是宜功存社稷望重华夷溢纪太常名勒鼎彝匪徒为吾侪之师而
实乃天下后世人臣之膏龟也耶

林俊 莆田人念都御史

为而难时而又难奚覩而安楚而毒鍛而又毒奚仰而告胡以见刚
公也斯僦胡以见直公也时式疇曰匪天公死载全疇曰史亡公世
裁光天锡公祉公谷而齿天锡公祉令公有孙子

沈钟 按察使

於赫吾公一世豪杰广额丰軀疏髯秀颊学究天人经史洞彻仕践
仪曹操履纯洁当景皇朝励直臣节浮云海蒙前星颠越又激於衷

词奋於舌直批逆鳞并诋御警乃系徽墨乃流血百孔千疮缩若
跛鳖万死一生酷犹枯蘖备尝险危载离寒热幸天鉴临幸神降格
鬼实与邻命弗中绝英考复辟冤抑昭雪拔自羈累置诸朝列忠贞
登庸帝心慰悦重忤权奸交图媒孽诏徙南都陛辞北阙锡鞶駉蕃
恩礼稠叠命自兹往言未可辄载感知遇益加剴切考核攸司淑慝
孔别嗤彼浮僂时相论说涉迄不流事寻亦白偶缘星变上书自劾
恳辞蒙允归计勇决徜徉林泉优悠岁月俄化列星竟彼传说几
书参谋善贻厥既历藩参又跻邦伯小子何人半生薄劣故吏门生
昔尝忝窃浩叹长歎难伸蕴结言固繁芜情颇宣泄极知僭逾遑恤
丑拙

项

澄

温州知府

松柏其姿铁石其衷抗一疏而纲常赖之以立经一死而奸佞愧无
所容赞勤廊庙惟廉惟公优游桑梓全始全终河可带山可砺而先
生之名岂有穷也耶

朱

諫号荷山本色坊松人明弘治
丙辰进士官至吉安知府

寄章千峰先生

我思章千峰遥居雁山北经年不相见鬢发忽已白把酒即吟诗展
卷疾洒墨吐气振骚坛祠人皆辟易臂之习弧矢已负千钧力悬虱
视三年从容破其的飞动矧云烟铿匕奏金石我辈泥时文语之若
悬隔安得千峰老因依问标格

谢章千峰章青阳二先生惠柑

千峰初叠雪青阳来迎驾万木入死灰孤根苦长夜忽传霜后柑晶

光动茅舍不假赤瑛盆日色远相射累匕潇湘姿纷纷起高价一颗
数百钱腾涌实堪叱阿段负筠筥来从雁山下餘甘及比邻香风溢
闌榭荐酒扶衰翁点密慰茶话幼女才二周哑匕向即罢牵衣傍筥
行为迷如碗大惻然念细君溘尔如物化年芳尚未凋白发久已谢
硕果欲复生岁车已将卸题诗答故人寒风起檐呼

章千峰章青阳先生游雁荡

结伴游山春日长溪流散绿花飘香高筵坐对雁湖水灯筵泻酒佛
放光此佛山来好米汁对之烂醉客何妨老夫不饮可白眼不如且
卧安禅房众宾搏拳意自适莫将醒醉分藩墙渊明嗜酒居柴桑何
必攒眉莲社傍

约千峰青阳荡阴友梅双湖芝峰诸友十五辈会于雁山石门

因之灵岩龙湫诸胜概是为雁山会也原有会约轮流以备
为报千峰叟来朝到石门褰衣涉流水散履绕芳村花妒东皇面人
随北海尊烦君驻红日休得易黄昏

章青阳先生

青阳好吟诗诗格入清婉夷犹情思间风光与流转雁荡山崖巍龙
湫水清浅阿童背锦囊如意逐游衍春日既迟迟秋云复舒展着履
过禅房酒墨落水萤意与龙象亲颇觉轮蹄远我忝在知交相从未
云晚止隔一山遥朝往夕可返寄语谢梅花梅花空满眼

又

不见青阳子诗成只自看满头生白发秋色转危闌绝境逢人少枯
棋取意欢雁山双屐在三百好峰峦

又

数年不见青阳子，欲向溪边买小舟。春事已经三月暮，世人空带百年忧。酒杯有限休相放，去日无情不可留。约取雁山有瀑布，草衰木落最宜秋。

寄 与章东雁诗以侑之

诗 意以人皆穿 立朝虽笑得面似 皮而卒不能解其忧 唯立定脚跟而安行者 虽在城市而实若山林 谁能扰之 高 美章东雁也

好人无数立朝班，面似皮未解。颧半着脚，跟行得稳。红尘里面有青山。

怀太史王瓌 贲元章东雁三首

瓌滨绝句真清绝，道出风人感慨多。数日别来浑想极，月明无奈水平河。
从来爱杀瓌滨量，魁壳分明学太荒。未与一陂深浅较，固知吸醋是寻常。

眼中汲直何人是，达德生来气象真。自我曹无荇刺圣，门须望敢言臣。

章氏义楼和韵

朱幡憩楼前，因之问民俗。潜德发幽光，阳春布阴谷。

书章东雁先生扇面

江南白鹿真非恶，皎如明月纯如玉。清风吹拂拂手底，生寒冰片匕杯中。落三军指挥信，有名六月飞霜岂。云雷雁荡东南有，主人纶巾松

下宜调鹤

人间苦热避何方，白扇轻盈雪色光。已竟尘寰皆襍穢，独知心地转清凉。玉壶相像涵秋露，冰碗何须捧蔗浆。我有龙湫堪涤暑，漫劳把握到房山。

和雁石章九龄秀才雁山韵

翠竹苍松杂紫荆，清泉白石幸晴明。天开蓓卜花前月，僧念胡麻饭后经。暇日便来山寺宿，老怀偏向故人倾。采茶歌散才归去，又听龙舟打鼓声。

寄雁山章九龄先生

雁荡山前偶相送，为道西坑有古洞。洞门石径坦如床，中有石室如高堂堂外，熊罴巢古木，巢高夜傍青云宿。路幽径窄，少人行。天台雁

荡空有名，我闻斯言兴若飞。今秋有约君休违。

章朝用表甥雁山过以诗赠之

宋武溪五言

深深万竹夹回廊，古殿阴阴近夕阳。松下刈葵修晚供，花间置酒惹春香。也知老舅逢人少，却爱贤甥过意长。九日风高天气爽，雁湖头上宿僧房。

送章东谷应贡

日特遣潘天正甫国斗日南甫事高祖

雁荡奇峰萃东谷，赤城天姥参差绿。中有兰斋数亩，宽宗伯佳孙读书屋。桂花香里，秋正高。鸮荐还应来上国。吴江落叶逐孤舟，泗水轻烟护长毂。朝廷有道，登俊良，善价多方求美玉。九天风采待鸿鸾，万里云霄看鸿鹄。

寄南阁章硕夫

南窗春来柳叶浓柳边溪水到龙宫旧时鸥鸟曾相识老去韶华不易逢短棹有怀依绝壁小斋谁与坐高春先生若肯伸前约病手还能把酒钟

孝夫雁麓山庄

阴阴竹树绕山根石径云深荡北村无数落花浮水面尽随鸥鸟到柴门钩帘静对千峰月种药新开五亩园长日南窗事高卧漫将风景说桃源

林

韵 翁人明成化丁未进士官广西参政

南窗访友门前口占

仙人闲抱膝落地见金盘剧嗜羊羹味先教五虎拦我欲题诗去须携插笔峰马湖连马屿振策跨飞

吴执御

成化人明天台二年进士官给事中

马屿读书堂题壁

先人多藏书后人勤诵读建有马屿堂为庐结岩屋门前九曲溪宅后千章木渚翹猎客鹰径眠仙翁鹿牡蛎四壁环白玉光耀目骐驎气雄深元立鼓亨腹将欲千里行眼界觉局蹙主人扬鞭骑依取万钟禄

侯一元

字舜举别号二谷山人本色人明嘉靖戊戌进士官至江西布政使

東吳鹿山

名宗礼

不见吴郎久新诗又日多贫居无素业镇日呵庭柯古宕垂灵瀑青天与放歌欲抛儿女去禽庆意如何

舟迎五菊次韵酬吴鹿山三首

菊月常年未有花菊花今月满君家迎风任遣吹乌帽插鬓还羞有
素华

五色瓜为五色花东陵浪迹类无家劳君黄白纷相赠冷落门庭已
自华

莫是空中天女花随风五道入人家道人香色浑无染金粟龕前转
法华

小诗奉慰鹿山兼以奉呈计颺畏黄颺主人送辨德外車可
为君失喜为君吁抱得麒麟候又无倘有前因如叔子何妨后得似
商瞿中闲好进驾鸯膳侧院还成蛱蝶图且共故人酣岁酒徐看绕
膝领屠苏

书扇与吴少冈

香林

君不见棠棣华春风万叶还千葩又不见山下泉自近及远成巨川
范公功名满天下至今传者姑苏田嗟余早出岁屡迁驱车日暮方
来旋薄田负郭有二顷肯使比舍无炊烟古来世美惟象贤周公鲁
公相后先莫歌邨下燃豆诗使我老泪空潸然曷不读周南麟角篇

赠吴门

草泽久名传君为在洄贤偶来城市里如挹羨门仙诗咏荡阴里琴
弹玉洄泉终知当判袂应以日为年

次韵赠吴鹿山还雁荡二首

白云还向故山来沧海轻鸥更不猜江步却携桓笛去道衣宁惹洛
尘回青垂旧侣心相盼绿拟新荷手自栽久客并州宁不啻一尊遥
夜定常开

老人惊别恨悠悠竹径荒凉草色幽却羹解衣当六月还期漱石到
双湫诗留邨下传吴质身避尧时即许由自古相思多命弩须乘斜
日在林丘

答吴 门二首 二首

爱与陈群父子游好将吾道寄轻鸥开函已觉坐心尽濯足 门万
里流
庭草梁泥得句新多才长是不沉沦绝怜叔度波千顷坐得袁郎土
室身

吴鹿山就规录之惠

圆比明珠却就规 君似不识君诗更怜拙直侯无可能表程门百
世师

宋

宋太宗皇帝

题练氏夫人全城诗

曾将厚意结人心岂料酿成报德深肯使一身同日死全城宁与却
黄金

积德由来报在天子孙荣显自锦延一门福庆皆阴德千古犹称练
氏贤

姚

枢 宋翰林学士

题章世谱

奉观先牒越遐思南北家乘读旧枝一脉祖孙无异姓千年昭穆似
同时烝尝共享唐臣庙金石犹存宋浩辞长愿族人崇孝敬莫将身

世负君师

朱熹

题章氏双阙

唐室遥遥孝义门屹然双阙至今存当时泣尽思亲血化作恩波遗
子孙

王安石

送章望之

黄雀有头颅长行万里餘想因居出守暂得免苞苴
孔平仲

送章子平

玉辂声华星斗傍方州投老憩甘棠木逃翦伐枝长碧石耐磨性

有常申緒幾終勤同学子孙传业富文章十年留洛归何暮日听除
书侍玉皇

刘侗

明会稽知府

题续夫人全城诗

緬忆屠城将谁兴遗育心一言回虎噬万姓脱锋尘操义古今特垂
恩天地深洲沙交乱箴云霭出孤岑老树青苔合重檐白日临藻廊
金鸞举珉刻玉龙森不死犹青像高风披俗襟仁声生殂豆事肃
居歆男子龙蛇志云祈雨露馨闾门真上乘郡国共讴吟千载悠悠
意频修建水滨

月夜南園坊前投宿

蹇驴得得踏松杉草帽棕鞋细葛衫分付奚奴寻宿店月轮犹未落
仙岩

游雁荡归阻雨追孝庵

此方真孝子既没尚追思愧我遨游惯抛亲晓暮悲雨声连未断风
势转尤奇自是归焚履庭闹步不移

胡献来

字海人明崇禎戊辰进士湖广副使

九曲溪偶成

九曲溪名异应多九曲珠日光四射蚊网蛛网散彩金铺佛钟
祥玉温儒漫为乌有语求剑莫同愚

清

江

济

黄岩人康熙甲午乙未联捷进士官翰林院庶吉士

看打山羊

里中多侨如身横田九亩人各挟鸟枪铅弹资满斗钢叉荷在肩木
棒执在手寻入山羊洞雀跃飞当走一踊登岩峦再跳上陵阜倏忽
已获禽高歌归备酒祭献相公坛相沿事已久鲁人皆猎较宣圣不
为咎

施际清

天台人乾隆己卯科举人官乐清学训导

摘官茶

因游雁荡过南园日晴感作

谷雨犹未来县官差人到口称摘新茶乡长前引导气象很如狼语
言极凶暴主人出相陪软语聊慰劳走向茶树边茶影杳无耗回坐

索规例翘脚头脱帽官府要我來不是我喜好主人道可憐綉款實
情告努目若弗聞手舞兼足蹈主人无如何借錢姑以爲回作喜
容提傘說輕造

徐秉文

天台人乾隆丁酉戊戌屢捷進士官
武英殿中書出爲广西四恩縣知縣

南閩道中見斫官樟樹

人世橫逆偏易遇今日又遭斫樟樹推命官當書差牌洩圈墨字原
已具包封一出即深藏圖書外鈴牢且固其中是銀不是銀不容人
家問一句声音上司立待需那許民間稍停駐夥伴人多操斧斤宅
邊喧嘩响不住未解日吉与辰良舉家張皇担忧懼殷勤茶点酒饌
來亟出青钱行賄賂吁嗟在昔軍興時水師用舟爲先務购买此物
按時科其直多少取官庫未几寇平非所資揭牌曉諭遍衢路云胡

滋蔓扰今茲都由胥奸吏帶盡天子聖明長官賢何物鼠輩敢賄污
乡中老人怀不平曷弗策杖上赴訴吓詐民財有則条厘剔积弊除

众恶

赵

錦 温州知府

題章氏义楼

忍庵章子建是樓子孫三世守之弗失是可谓克遵恭毅公
家規者也嗚呼安得吾甌民敦礼尚义咸若是耶

榭子來守甌稽古挽頽俗伟哉章氏樓声光照岩谷

侯

敬 号梅字本色浦歙人
岁貢生礼部主事

和前韵

大庇存古心观风访民俗登樓樹义声膏澤流原谷

丁 瓚 温州知府

和前韵

兹乡有义楼 一乡之善俗太守为尔登芳名振穷谷

郑善夫

题章氏义楼

再寻雁荡访灵邱为爱东瓠山水州 拉书已得忠臣传问俗兼闻章

义楼

唐传牲 朝广人道士 正朝乐清知县

赠章南陔茂才

结宇依青嶂开轩对绿畴 树交花两色溪合水重流 竹径风来扫茧 尊夜不收道遥常自得鼓腹醉中游

徐锡圭 邑州人 邑庠生

咏周烈女

既读烈女诗复览烈女传 烈女伊何人桐洋周家媛 自与章结缡柳 桃尚隔院幼嫻彤管箴长视 寰门膳缟素执亲丧 阍处无人见性静 品端庄非同婉而变 无如生不辰及笄遭大变 姑危夫亦危 两命悬 若线闻疾亲临门 姑夫共一面 归后隔三朝 闻计泪雨霰号泣 痛双 亡一命付鴉片 烈女天下稀 自足膺帝眷

陈宗器 太平镇人 邑庠生

吊周烈女歌

雁峰灵气钟女子 节烈尤推乐清里 中有河间章氏家 一门先后称 双美节妇抚孤史 传芳烈妇殉夫归 视死可怜俱未赋 于归一晤郎

南唐書 卷之七
君竟不起明代終今几百春辟紆空仰未亡人
义心清操前无古碌
匕裙釵非吾友不道女中有丈夫欲与前人争
不朽生长东甌北雁
城汝南碧玉旧知名天生丽质娇无匹才读风
诗便有情聪明冰雪
颜如玉少小红丝曾系足萧史将吹引凤箫
萱堂忽听啼乌曲一夕
清霜万瓦飘后庭慈竹随风凋灵前泪祇孤
儿泣堂北魂无介妇招
扑至买舆奔视殮媳待姑旁姑不见恐益郎
悲不敢声欲啼仍止泪
如霰此时心绪已如麻织女难停银汉槎
门前阿母香车至顷刻黄
姑隔水涯四目相窥无一语泪痕满面登
车去从此盈盈万斛愁两
地相思渺何许无一别竟茫茫不奈仙乡
即婿乡已是仲宣愁体
弱那堪一日九迴肠血泪尚看弹孝水病
魔早已入膏盲延年莫乞
昌阳饮一夜天风人不醒凶信连番到舅家
女也闻之泪珠_迸抢地

呼天声呜咽抽刀便把青丝截聊将身物表衷情
一领汗衫泪痕赤
诀别慈亲掩绣房拚将弱息报檀郎金丹粒
匕从容饵玉簪焚匕辘
转亡剧怜冰雪双清绝丈夫死孝妻死节
定有鸳鸯塚上飞生不同
衾没共穴是知激烈由性生若论情私死
便轻不见古来坠楼者至
今千载留芳声况女有夫身未事恩情
两字诂云至纵教从父不从
夫岂与偷生同一视或云此女精阅历知
贫难节富难烈十载孤灯
燕子楼终将一死完名节或言此论太刻
谗索_作求瑕失品题自来
节烈心无二何必生妻胜死妻矧今圣朝
崇节烈死者扬芳生者恤
定看恩綵下九重大勒贞珉光倬楔吁嗟
乎陨残生荻荣恩九原庶
慰贞姜魂我纪长歌数百言待采风者陈
翰轩

方邦钩

杭州人

题章熬峰行乐图二首

描生顿见笔传神的是林泉小隐人对景所欣皆绿意课儿莫负此
青春栽花自得四时时把卷惟怜百战身公自云历考多次不信名乡经我
到衣边续句亦前因

贻谋今更筑山庄又造新府望族犹欣世泽长公为恭毅公后难悵豪怀慚我辈
无求斯世即羲皇快心兰桂联三代和气坝簾奏一堂怪煞膝前痴
孺子花间提兔往来忙

董鼎乾

号逢三花田人邑祥生

挽章虎溪先生诗

楚南望族仰丰标薤露声凄赋大招正羨梓桑新特出何期松柏竟
先凋里砧不作多冥咽邻笛无声久寂寥可惜寒窗勤诵读文章满

腹一时消

董鼎魁

号梅村花田人邑增广生

挽章虎溪先生诗

物是人非最可哀书斋让我育英才执经问难思往昔今日为何不
再来

往来习睹此停棺寂比荒园倍觉酸况有妻儿频哭泣闻声不禁泪
阑干

府试归来病缠躬偶沾微疾岂为首谁知天不留明哲满腹诗书一
旦空

蒋希召

字叔南大浦人邑原生

谒章千峰先生墓

七年县令百年身仙骨佛肠迴绝尘猛虎当途空色相蹇驴觅句见
天真幽铭残石文堪宝古堧荒坟草自春二谷评衡原不爽高风彭
泽仰斯人

昔年名相流芳蹟
世澤長
國子今更築山莊
世澤長
昔年名相流芳蹟
世澤長
國子今更築山莊
世澤長

謝春潮高家三書

LIBRARY

民國

周文治

粵西生桐洋人清監生

寿同学章君知权五十诗

少时意气逞英豪
轉瞬年華半百高
鬢發蕭疏今漸白
階前玉立見兒曹

五十剛逢學易年
尼山自昔重知天
君身具有神仙骨
安命應希古

聖賢
與君心迹最相親
親納平生有夙因
今日却教兩地隔
未能聚首共

昏晨
猶憶當年伴
讀時青燈相對
夜迟迟不才似
我終康了泮藻
讓君擷

一枝

羨君老至志弥坚，堂构宏开福泽绵。
教子教孙耕且读，园栽松菊拟陶潜。

庄以临

字公通，号雁落老人，番禺人。官宣统庚戌举孝廉方正科，官知事。

渴章恭毅公墓

雁荡奇无匹，灵钟旷代英。火汤完壮节，竹帛勒勋名。椒衍孙枝远

之公

孙曾分为三

生，墓上有樟树，大数抱，枝上多产兰花，开时香闻数里。

高山劳仰止，再拜展微情。

颶风后重谒恭毅公墓观樟兰

大风拔木万山摧，重着芒鞋得得来。塚树依然蟠地吼，幽兰犹是绕枝开。碧溪一掬清堪荐，白马千年去不回。欲把穹碑仔細读，仙岩落日照苍苔。

题南阁宅里图

胥宇开疆五代初，名臣恭毅此悬车。百冈峰峻钟灵秀，双阁溪清绕比闾。沃土万年堪稼穡，传家千载有诗书。丹青一幅图何壮，椒衍瓜绵庆有餘。

挽章遇琴先生二首

雁北群推矍铄翁，衡门饶有葛天风。课耕今日犹负耒，乐育当年曾训蒙。桂树庭前齐挺秀，兰芽阶下蔚成丛。不图大不留耆旧，南极星沉十月中秋。享年七十三，春秋五福备膺洪。范畴能把诗书绵，世泽且将勤俭贻。孙谋虚怀处世无，妨直大度容人。不计仇，我爱芳徽今不见，生刍一束奠南州。

挽章光庭先生八首

狂流难障百川东，世乱纷纭未有穷。谁把乡评公月旦，先生犹有古人风。

芸窗自少力穷经，却恨当年衿未青。毕竟诗书流泽广，栽成桃李满门庭。

隐处落阴七十余，精神矍铄鬓萧疏。安贫不作希荣想，闲理钩纶爱钓鱼。

口给平生担慧才，吐词都自六经来。高谈岂但惊宾客，恶少闻声气亦摧。

百年家乘喜重修，前席邀余借箸筹。不是钟期爱古调，高山有志岂能酬。

欲识荆州昔未曾，而今何幸得趋承。不图相见无多日，忽报令威跨

鹤升。

收族敬宗仗老成，胡天不恕丧先年。料知水郭山村里，到处咸停社杵声。

今吾重到阁溪边，惆怅人琴两杳然。却羨文孙能继志，槐堂依旧讲帷悬。

赠章君知权

少年庠序早蜚声，隐迹荡阴读且耕。百世箕裘能绍业，一庭兰桂竟敷荣。重修家乘贻谋远，夙担词华落笔成。愧我不才膺主席，文坛三

载订鸥盟。

赠章君古愚

不把诗书误此身丁年服贾走风尘泛舟少伯甘辞相卖药韩康善
活人竊竚乐交四海士桂兰香发一家春从知商业优儒业昔日弦
高能退秦

贈章君趾祥

庚香

君家蕩北我蕩南天际飞来书一函为把宗支图再续却教山水險
同探酒杯终日留人醉消癡頻年餉我甘征战归来耽偃息知君世
味已曾啗

贈章君悟稀

庚香

送章吳僧如上校後回任廣東東路討賊軍

少年击剑学从戎走马天南幕大风漫道沧桑遭世变頻经盘错见

才雄出奇每献陈平计持节堪追太傅功此是君家兴业地会看拜

爵荷恩崇

書三世祖仔約公五代時事國王為建州刺史校西北面行署特制置使

贈章君文瀾

人傑

虹橋學校記初开肄业君曾負笈来

清光緒三十四年君就學于虹橋高等小學校時余為該校董事

往事追思如夢幻后生轉瞬即師材

君任本村公益小學校教員已三十年

世少交游冷似梅我向华宗安笔砚者番晨夕喜相陪

挽章規周先生二首

贈水夫器四首不報重以山園數韻

生值國家多難辰衡門終老岁寒身读书不作科名想教子能为拔
乱臣商业经营伤往事布衣澹泊乐清貧郎君万里乘槎日忽作奔

丧返梓人

家制曾四时奉使考察欧洲
各国军政至法国间装奔回

雅望争推陈太邱，急公常为地方谋。出群君似云中鹤，逐浪我同海上鸥。三载相逢邀赏识，一朝永诀隔明幽。不堪重过山阳道，闻笛数声感百忧。

题章氏大宗祠图

名山聚族已千年，世德夔墙犹俨然。地杰簪缨常济济，根深瓜瓞自绵绵。水源木本承先远，春祀秋尝对越虔。观此应生孝悌念，经营创制仰前贤。

题保义郎章显公墓

宋代流风在，官传保义名。遗坟留北阙，先德继南闽。勒石垂严示，扞灯泯旧争。清同治四年扞与北事人滋事被杀于余华短县墓穴里泯出示勒石在案 庙邻关壮缪，墓木被光荣。

李林振

号紫微
北商人

赠章君悟稀二首

君家旷代著忠贞，恭毅千秋垂大名。桐树分枝犹挺秀，葭草托谊也增荣。雨云人世多翻覆，冰雪心肠自洁清。却羨闽江归棹早，勋庸绝不慕公卿。

诗书犹自守渊源，桃李栽培已满园。遇事能将劳怨任，接人常见色容温。谗谄燕翼平生切，弦续鸾胶故谊敦。乱世苟全原是福，相期日日倒芳樽。

索公疏读之猝不可得随闻之内侍口诵以手击节叹曰好臣子明日播公礼部右侍郎盖简在帝心久矣方公之下狱也天大风黄沙四塞人心机隍释囚之日连日阴霾至是开豁京城男妇聚观如堵有泣下者擢官之日中外臣僚下至卫士以及行路之人莫不举手相贺一时骨鲠之名忠贞之节掀天揭地雷霆於四方矣由是观之公危言说论一发虽不尽用而於化社稷增重多矣至於殊荣大辱之加纲常世道又因之而振肃焉千百世之下闻其风者顽可起而懦可立岂诬也哉谓非天锡不可也惜乎公以公辅之器而沉於下僚后虽任以卿佐寻改南都未衰乞骸去矣其素所蕴蓄容有未究其用者故往往文章焉发之平生所为诗文甚富虽一时应酬之作亦皆本於性道节义该乎人伦物理不为无益之空谈故虽不屑也

求中於文士诗人之尺度而精诚贯金石光焰夺星斗非有本者能是如耶公薨之二十二年冢嗣方伯元应始编次成集凡二十有七卷诗文共若干首刻梓以传属诂序其端噫诂何人敢以不腆之辞辱公之文哉顾仰慕山斗非一日矣重以方伯孝思之意不可孤也敢论述其关系於天人之大以见公所以取重於世者有在也是以论世之意也公有年谱奏进思录因志集已梓行於世矣方伯才猷茂著而有文所以济公之美者未艾也

李东阳

章恭毅公年谱序

贈南京礼部尚书章恭毅公之卒也既有状有志有神道之碑哀挽

南齊章國宗譜卷之二
之侍其子元应为南京给事中时尝自为年谱不帙以属于予请为序比以陕西参政入朝复申前请予弗能让也夫天将昌国家之运必有忠贞夔亮之臣出为世用以播其勋业即不得用亦发为说言正论使天理赖之以存人心恃之以不死名教立而命脉长其进其退天下所视以为重而况死生之际哉当景泰时颠危甫定而邦本遽播於是有意公者以议制郎中言复储事坐与鍾恭愍公同下锦衣卫狱极审讯又与廖恭愍公庄同赐杖鍾竟死廖亦远谪而公独在縲纆几死者亦数矣天顺初特擢为礼部侍郎成化中请老致仕而去方其职在一司秩不过五品开口攘臂论国家大计虽身困言屈一时皆知有所谓名义所谓风节以至於英祖之光复宪墓之显昭神功圣德铿珣炳耀於天地间而公之身及际其盛后虽远处

南国亦隐然为天下重徵公辈二三人则名义风节皆未可知而天下之事去矣是岂天之有意於国家亿万载灵长之祚而然哉观入狱之时有黄雾四塞之警属纆之夕有山頽石坏之异彼天下之人纷纷籍籍群生而旅尽者固不得而与也故书生以志其始书卒以志其终其间履历论议患难宠荣之故皆备书不绝兹谱也诚不可以不作也士之披览前史见忠臣义士起敬羡慕必考其世行而求其为人况在本朝生近岁风声义概之所动耳目之所击者因是而求之岂不足为廉贪立懦之地哉谱之作殆非为一家计也公奏疏载国史文章著家集故谱但存其名不复录庶他日得以互见云公讳纶字大经温之乐清人正统己未进士

邓淮

温州府知

章恭毅公年谱序

章恭毅公既没之十有九年予於郡城建祠肖像以祀之用表忠节以励士风也祠成卜吉以落之时公之令子方伯将之广藩便道归同拜祠下且出其所作年谱示予复命识其后予自少时闻公名已起敬慕今叨守郡公实郡之第一流而予又辱方伯公之知爱非一日其政辞窃惟公之孤忠大节宪宗皇帝谓其如汲黯之直范镇之忠今上皇帝又以所奏疏宣付史馆大书特书本朝诸老如冢宰钱塘倪公谓其引君当道诚得伊吕之用心者内翰云间钱公 其与监察御史鍾同大理寺少卿廖庄宜同一传阁老西昌尹公谓汲汲长孺之刚直宋鲁宗道之骨梗杜祁公之正气直节以公方之无愧今阁老西涯李公谓其论国家大计虽身困言屈一时天下皆知所

谓名义风节亚卿方石谢公谓其论立朝大节未尝不以公为首称由是观之公之年谱不作可也然忠节如公海内有志之士闻之者莫不兴起而况於其子乎子如方伯公以文章政事为时所重则其於公之言行生平履历之详又安得不因年而谱之以垂诸不朽乎

侯一元

章玄梅雁山志续集序

自昔通方远览之士曷尝废观游哉夫旣孜孜矻矻其本务矣然而弛张劳佚必有所寄是以襄城命驾弥勒皇道卷阿驰驱无累王业而夏谚於焉 首周民以之子来上下俱欲莫以为病至史迁用周览 奇谢传以邱壑宏望咸猎精乎观物之间斯又益矣方今天下名胜类有图牒然多伟其所见墨守一隅至谈吾乐雁山皆云并难具

美良以四谷秀巫山之云蓉溪含武夷之曲雁湖蕩具区之波龙湫下匡庐之瀑是以谢公之屐千里来臻轡轩之使以为菱舍莫不激赏盈襟形於篇什以故前志搜录辄成巨卷后贤继起复遍崖碣允哉山川之遇也嘉靖乙巳我邑侯欧阳先生至自西蜀蜀故多奇而先生冲襟雅有五岳之尚既下车问俗一至雁山即叹其巨丽冠绝东维而追昔所游以为未至人谓先生且日命习池之驾畅滁山之饮而先生事已即旋乐而弗留无何值岁荒饥海有劫寇县官调度兵食以忧民日不暇给盖积岁乃定而先生不至雁山已久丁未秋御史河东裴公来巡弭节兹山爰有登高之赋於时海平野辟先生幸以无事禀法於下乃从寓目佳丽讽咏篇撰响者之乐始复在怀慨然自以不易得也爰属干峰吴先生并袁近作断自前志搜其所

遺以为续集既成示余与诸生徐于世鑑校而传焉嗟乎息游之道通於有政观侯循行劳来张为雁前讲艺宣和佚为劳后文武之道不其该与侯又尝言天下衰盛於雁山有占以为雁山之开自晋始也及唐而徵宋初盛时犹未尽显雁山之显乃当宋室之南於是金碧被峰峦而山之名胜始争衡上国矣将不以偏安之国贵游所凑而一统之世车轨远之孚我国家莫极北方雁山远日且万里则云构复圯缩黄流散至於今草中乃卧大鸞馱焉固其理也游者徒知想故事之荣华吊山灵之憔悴曾不知景员之奠股嵩高之蕃屣也深哉观乎其有天下之矣斯集之成亦以羽翼往记贻之方来俾范治则不淫於逸论世则不泯其文所谓举而必书以观后嗣者岂徒铺张靡丽观美而已哉余故不辞校而叙之

吳山人詩序

吳山人者雁山人也徙居鹿城号鹿山少穎博學嘗爲舉子業弃去
獨以詩名台雁間詩凡四卷五七言古近體絕句六言詩餘合若干
首自是其尊人千峰先生則爲詩冠吾乡而宗杜故山人之詩亦似
杜爲吾甌詩人大家云友人東甌張子愛其詩將刻之而曰知山人
者三谷子也必子序之嗟乎余何足知山人哉雖然余知山人之心
又知古之君子之心又加張子之心夫古之君子所以名垂至今者
豈不以齊乎然而非得己也故或以美刺或以贈交或以陳戒或以
揚詡其歸在宣己而喻人而已非以爲名高也而徇名者往往失之
於是達士矣之曰与其得身而名何如得當時一杯酒言名之無用
也夫山人之心亦如是而已矣乃張子則必欲序而傳之者何哉殆

殆亦有不得已者乎蓋井澤不食則行慳和璞不剖則別且不息如
山人之詩讀之犁然詩史接少陵六義溯三百篇而能不美之乎哉
美斯愛愛斯傳固其理也且宇宙之人如彼其衆也而伯牙獨絕絃
於鍾子揚雄乃有待於后世子云知人豈易乎若張子則可謂知山
人抑余亦其次矣故古之人不蘄知不能不知也不蘄立言不能不
立也不蘄不朽不能朽也若山人者以德則不愧乡賢之子以功則
不仕而以言則富矣余懼觀者疑山人之蘄知於后若杜元凱之沉
碑然者故序以釋之時万历戊寅菊月甲子日 蘇 岳 題 於 鹿 山

清

戚學標

太平人

章恭毅公遺序

南陽章氏宗譜卷之二
乐清章恭毅公先代名臣气质重海内至今人道之文字之传其小也然读公所为吾邑新建县治纪洒匕千言於民生利害宰治得失若烛照而数计叹有

其立言必有异於人文如是即诗可知矣章氏累世通显公之诗文稿当已板行明未寇乱致散失惟雁山道融上人犹藏有诗寫本上人俗家南閩故公裔也昔智永禅师藏有兰亭帖以亲其祖内史手迹上人於公遺诗置篋笥中与同卧起不轻示人其用意亦然久乃授梓以广其传而书来乞余叙余以水源本天性之亲儒释一理上人表章先业为不忘其祖而世所盛传往閩鄞范氏天一閣藏书自有恭毅公年譜子元应述公一生行迹及生卒具详宏治己未李东阳叙又有公进思录一册卷首有氏族记述承先志复姓之意嘉靖戊午曾孙广西参议朝凤刊上人能刻公遺诗使人於睹墨之间见性情之正矚然其为人而此二书者尤足见公之大果否章氏尚存其本上人其更留心於此也嘉庆十八年癸酉四月叙於杭州两浙江南盐运使署之环带轩

造化苦纏動輒需扶虽寿亦何取若公以耄老之年精神矍铄如少
壮又得家人借老朝夕侍从相与言笑诸儿孙时奉甘旨此殆所谓
无忧寿而可贵者乎安人姓仇氏素娴女箴白发苍颜寿与公齐世
居南阁南阁为雁宕名胜地峭壁奇峰时形几榻茗花翠竹长绕居
庐亦已得所居之景致矣公时或乘兴策杖逍遥聆禽鸟鸣翔领其
佳趣山岚任其选胜水澳任其钩游仰观俯察手足宽闲盖有不知
老之将至者其入月廿二日乃公八旬初度是日也梅雪争香炉衣
薰热宾朋交集良会盈庭子妇奉觴称庆罗拜以次填篋迭奏笙管
齐鸣公则点含衔杯交筹交错顾而乐之畅何如也余问所谓山川
灵秀之气公其鍾之欤际此归马放牛耳不闻征鼓之声目不睹干
戈之扰坐享盛遇颐养餘年则进而与乔松比寿夫岂可量异日蒲

轮下賁存问高年宠及林泉其荣当更何如余不能文犹乐勉为之
以应故知之请是为序嘉庆二十四年岁次己卯十二月廿月八日

毛聿

本色天翁人

清邑生人於庚戌年春月廿二日

章母陈孺人八旬寿序

清邑生人於庚戌年春月廿二日

自来心定於水节高若山之闾贤其始也食蓼之虫无如荠之乐其
继也鸣皋之鹤有达天之声是以金母扬芬甘泉之画写突巴妇矢
志怀清之台崔嵬盖由天道好还圣人重报果占苦节之贞必获甘
临之吉如我章母陈太孺人者邱里仰其高操群笄扇其芳风固已
人无闲言天为粤宛矣然而载之於口曷若笔之於书传诸一时何
如寿诸百世际此祝延之日集彼晋爵之宾敢倩湘毫用昭壶牒以
张皇邸以视后人恭维太孺人系出望门诞从息土端庄成性淑慎

其仪有王夫人林下之风明班大家闺中之诚年二十有三归我鹤亭先生佳偶曰配而琴瑟以调祥女入门而姻娅皆喜太孺人训遵必敬事戒忘劳上而蕴藻萃繁洁宗官之享祀下而丝麻粟帛佐家督以经营而且春足养人兑能悦物侮甯怀其惠妯娌饮其醇可谓贤矣无何大风起於瑶房妖梦入於织室蛇临已岁那康成颿影长沦鸡遁酉年谢安石棋声永断盖结缡甫五稔而鹤亭先生已应修文之选矣时也鬼单鹄寡形影悲凉有苦风酸房惟悽冷太孺人痛人琴之俱杳恨泉路之难寻泪洒琼瑰心铭金石铸天作镜鉴此孤衷昔海成井澄斯贞骨消磨岁月一函龙树之经坐对晨昏半世雁山之石惜熊罴未下膝下寥然乃择伯氏之子为嗣即吾友太学生德师也太姬无子主器必待傍徵阿咸可儿承桃足当上选况又加

以海勉其咫闻投马援之诚书传之庭浩遂使阿新景行无惭居易之贤臣叔幽灵不等若敖之馁何其当也今太孺人年近八旬矣白发皤皤青舫了了冰襟皎日玉格凌颺望之若古澗之松经霜雨而弥茂比之以太始之雪历炎夏而不销前年冬有司上其事大吏奏之煌煌绰楔锡自朝廷落落嫔标扬於海县青史期收其闾操彤管俟采於撝轩以视荀母从官冯亲士殿其恩荣之久暂何如也岁维己亥月届中秋正逢设帨之期大展延厘之燕崔邠侧帽亲捧朱轮潘岳称觞更摇彩笔聿蛩居睽十里未为文母之邻而年亦五旬熟悉梁媛之行谨陈俚语聊代徽音须知鸾女传中范相国青言从实试读桂花风里淮南王字字生香道光十有九年八月中秋前一日

日潘绍濂 色人道光壬午科恩贡

大成均南屏公五旬寿序
世之介寿者往往为妃红伀白之章褻祝颂扬之致繁称博引无当也盖文必称夫质无取乎华但即其人而论其理之必得者论语曰仁者寿九畴五福一曰寿四曰攸好德始知获寿之由其必有本南屏章君以壬辰五月中浣寿周五帙余於二月移硯雁宕双峰禅院君之姻娅朴斋李君将为举觴其詰嗣绍祖从余游请序於余余忆戊辰岁馆五峰山麓君与从焉早夜手一编恂恂执弟子礼退省其行事厚重人也尝接见其大父苍颜白发曳杖逍遥母氏艾年主饋家庭闲雍比如也环顾其居即先世恭毅公旧宅四面群山环绕不出庭阶岩花岭翠掩映於晴窗雨牖间令人坐而生静门首榜尚

书第三字风骨 然但其楹十餘细几近楠四无依倚何以经风雨撼颠於数百年之后而特立如故慨然於古人浩气而遗荫无艾也是年君游庠弹指二十五载余年六十三君亦皤然老矣叙晤餘欣悉君曩岁复建邑东皋山下恭毅公忠节祠居宅西又建笃忠堂修时祭也而尚书第旧榜焕然一新矣夫厚重为仁者之德而寿祖事母奉先贤复旧物纯懿錫嘏咸有由来今虽由食饩贡成均康强逢吉时挽鹿车於东西二灵间优游弥性躬享遐龄无疑也此之谓福则皆其理之必得者也余将扶杖造门一觴一咏联旧雨叙契阔庶几伸介眉之意焉彼夫不切之颂扬虽所称繁多而华而不实言不足徵似无庸多赘也是为序时
道光十有二年岁舍壬辰 癸亥月吉旦

王

玉 水滸人進士
山西知縣

吉且

賓貢南屏公暨滕孺人六帙双寿序

蓋必有敦厚能植之姿而后有貞固不搖之節而天亦錫以純嘏无疆之福故性定則天定葆其真斯受其祉也行修則名修履夫厚乃适夫亨也孔子育寿本乎仁洪范次寿继以攸好德良是物也今观於南屏章先生而益信先生祖恭毅公以理学而为名臣忠义文章彪炳志乘十三传至先生幼颖异事亲尽孝而所遭不辰早失怙依大父温亭公励志读书当是时大父苍颜白发太夫人茹蘗含荼先生励志承欢就养无间性纯朴所学皆明体达用之书而不斤斤於时艺学日修文日有名以英年登庠序食廩饩贡成均然敦宗敬祖之心未尝稍间於恭毅公奉帑建祠春秋致祭因颺风倾圮先

生诸之当道於郡修忠节祠於邑又修忠节祠费数百金慨然独任陶鹿崖观察为之记其好义类如此居乐东南阁即恭毅公旧宅群峰缭绕不出户庭而岩花吟黛掩映於晴窗雨牖间令人出而生静门首榜尚书第三字风骨峻然今三百年楹细如棉而题识宛然非神物呵护何以历风霜而不改宅西为笃忠堂址先生因而建祠自恭毅公以下俱致拾祀修笃忠堂仍其额 堊丹黝而第又焕然矣盖先生所求者不求名不计利义所当为为之恐后必获所为乃已以故养祖母奉先贤复旧物一一不遗余力也他如砌迴瀾之辟建修文之庙皆其余事所谓修德而不倦者先生是已今年夏为先生六十寿辰夫人系出南阳与先生同庚余游雁荡过其地嗣君明显兄请序於余余为之说曰黄河九万里而流益汤其源长也大椿

八千岁而枝益茂其本固也先生以忠厚传世令子文外踵而繼之
将见享硕祉膺厚禄上邀圣天子之宠嘉表锡门间以踵恭毅公盛
德大业可操券也若夫享毫蓋卜期颐皆先生所自致者非余笔墨
所能形容也因所请而即为之序

李国梁

天大咸丰壬子
舉人南唐縣學訓

賓貢南屏公暨滕孺人七帙双寿序

聖代而發又發

南極应寿昌之次瑞纪椿庭东鲁康寿母之诗详徵萱室是以称航
堂上鸿范引年曲潜房中鸾书肇庆若乃绵簪纓之世系承忠厚之
家传鶴发益励醇修鹿车同欵柔德阶森桂茂砌绕兰馨而酌斗介
椒绣丝颂橘畴有如南屏章先生暨滕孺人之筭珈借老康吉同声
者乎先生系衍浦城世居南閤远祖明南京礼部侍郎贈尚书溢恭

毅为直言敢谏之臣著彪古炳今之节迹其择重臣汰贡献条陈时
弊动治宸衷定儲位朝上皇扶植纲常久彰諫牋曼亭公五松公鸿
庐繼职讜屏分猷罔弗载在史书光诸志乘传至先生旧德是食祖
武克绳方其总角受书能怀陆橘奈自髫龄失怙莫仰鲁桥大父温
亭公以祖抱孙兼师助学重以太孺人含茶画荻饮蘗丸熊由是强
识博闻能辨终罕之鼠穷经致用耻雕杨子之虫既而擢胶庠补廩
筑充太学就庠文皆温亭公及太孺人教育之力也而先生之事温
也持扶杖履问视必亲其事母也眷恋庭帏劬劳必报宜哉然其住
宅为恭毅公旧居故时以恭毅公之文为文即以恭毅公之志为志
曩者忠节祠为颶风所圯先生解囊以修之东皋祠为淋雨所倾先
生输囊以葺之复以宅西为笃忠堂遗址新其栋宇焕其采章俾各

章先生可以当之矣先生少生攻举子业聪敏有大志嗣以椿萱早
谢弃读就耕整理家政艰险备尝而天若有增益其所不能者迨其
壮也乐善好施见义勇为史迁所谓有道仁人此其流亚欤爰是堂
构宏开规模日远所以振家声绵世泽者靡不具举而又兢兢业业
立名砥行以求无愧于乃心此先生之格天者至矣天於是报之以
贤嗣蜚声黉序望重儒林则荀氏龙也天於是报之以群芳芳兰绕
砌玉笋盈阶则谢家树也而又报之以大年鹤发童颜精神矍铄无
异于绛县之老人也宣圣有曰仁者寿又曰大德必寿不信然乎由
是如日之升如月之恒俾尔游尔休俾尔昌尔炽修其善之在我者
而得乎理之在天者孰谓公之寿非自有以致之哉是为序

其贈章君知叔序 其美且于武也米壽君子不食而武也然不
章君知叔余莫逆友也忆为童子时同游於蔗湖藤子芬先生门下
湖山讲席朝夕追随夜雨鸡窗行坐相对十年间学获益良多交谊
之深莫可言喻迨后各擷芹香遂相分手余任自治暇先后七年毫
无建树清夜自思愧怍实深君守家园训蒙兼治稼穡山水优游清
高自赏以视余之庸庸碌碌无所表见不啻相去天渊矣今君堂构
宏开规模日远桂茁兰芬象贤济美异日光大门闾不难拭目以俟
君其勉旃不才非特良友其願亦頗深願不吝明狂詞其意亦在
沈文垣 新河人 不類其平日盛譽雖不似春其或若若然也
章静波先生序 先生名汉字静波号肇定性侗倪不甘流俗幼习举业每构一艺即
先生名汉字静波号肇定性侗倪不甘流俗幼习举业每构一艺即

为师友所称道因数奇屢试不获售人皆惜之而先生晏如也迨世
变日亟先生慨懦弱之不足有济遂于读书之暇兼习拳术数载艺
益精与人角靡不胜故其平日遇有强弱不均者辄为扶弱抑强使
地方无甚不平事非特身受其赐者咸铭感不忘即耳闻其名者亦
赞叹无已又以先世皆以慈善著思有继其志于清季时借诸同志
办理高桥桥老院规模宏远每岁自冬至至清明收养独均百数
人使颠连无告者不至流离失所厥功伟矣适其事为当道闻知奖
劳备至而先生之心犹未已民国丁巳之岁复捐资创建新河同善
会掩埋枯骨及无力殓葬之棺木所以殫年风雨虽甚为灾而骸骨
不至久于暴露者皆先生设立此会之功也邑前知事欧阳忠浩闻
其事亦慨助百缗以成其美且于先生来谒请无不允而先生绝不

干以私者其品格亦可谓加人一等矣宜其后嗣荣昌家声丕振生
令嗣三长名修福次名修坤均德配林氏孺人所出类皆服劳奉养
克供子职三名修河系统配蔡氏孺人所出亦能过目成诵聪颖异
常爰为之歌曰河间肇绪浙右垂名扶危济困排难解纷地方巨擘
粹里干城无偏无党允矣斯人
三其常附避因悉其
汪江聘三
山号云笙之后
入清原生即照人河湖双香露曰思亦另而小文姑余家
兼然赠章君丛三序
重重德民而改
重重德民而改
重重德民而改
重重德民而改
尝谓急公好义惟读书明理者能之而非所望於不学无术之流此
常论也虽然此岂是以概今之丛三哉丛三姓章氏名修铸丛三其
号也其先祖公自大荆南阡徙居渡头村世业农故君亦力穡崇俭
朴而黜浮侈恪守乃祖之风其款客也每不吝酒食而乐于流连其

接人也常施以温恭而不忘忠信故士林如郑君澄夫仇君灏潘
君莱坡徐君性豪辈咸乐与之交时相往来民国九年澄夫诸乡老
创设渡头新市邀君佐理其事君不避劳怨相与经营俾底於成棉
花塘纜门之路亭年久失修毀於风雨乡人畏难置若罔睹惟君偕
莱坡倡议募捐鸠工重建数月而功竣行旅德之即此以观其急公
好义之心有非读书明理人所能及者漫曰以农民而小之哉余家
后山塘距渡头仅数里逢一六市日必往与从三君常相接因悉其
为人而窃叹农民中亦大有君子在而读书明理反无益於地方此
儒者所以为世诟病也爰书此以赠之

庄以临

规周章先生六旬晋三寿序

自来豪杰之士生於盛世国际承平则奋志青云拜旄王庭而为格
君之大臣丁乎未造生民水火则耕辍陇土效命疆场而为开国之
元勋苟不能行之於及身则必见之於其子此古来当国家鼎革之
际稽之史乘有历历可徵者也今乃於规周先生见之先生世居邑
之南阁村南阁当有明中叶正统逊位景泰易储之时有章恭毅公
者以进士官仪制司郎中上疏极谏帝怒而下之狱拷掠无算备受
极刑濒於死者屢矣而卒能使南宮复位国本以正其忠义炳於寰
区功业垂於后世厥后子孙掇青紫膺显秩者踵相接先生为恭毅
公之第十四世孙自少聪敏读书负大志生当满清衰乱之朝目见
夫国事日非国势日蹙不禁憾焉焉忧之以为不改革不能治也无
如穷居僻壤不获见用於时因慕范少伯泛舟之风设商肆谋什一

嗣复运茶贸易於苏杭间为吾乐商界之巨子而於国事未尝一日忘也既而其长子修程字嵩如性倜傥好学胆略过人有班超投笔之志喜曰此儿他日可用吾之愿可偿矣时丁光绪末叶清廷防革命党甚严因潜令嵩如入光复社浙谋改革宣统辛亥武昌起义全国响应嵩如偕浙江诸同志光复杭州擢充连长明年转入湖北陆军预备学校民国五年毕业京师军官学校任浙江守卫队第一营副官旋复擢浙军总司令部中校参谋兼谍报处处长八年参赞闽军平闽南匪主帥器其才称为江左夷吾十年随海陆军大元帅孙文护法西南奔走闽粤桂赣间参赞军务以功授陆军上校任讨贼军总部咨议官兼第三旅第五团团附先生之次子曰修积字岳如少年英隽卓犖不群毕业浙江陆军第二师军士学校任粤军

第三旅司令部参谋授少校难兄难弟将来之建树均未限量然皆先生有以教也先生诚识时务之俊杰不愧为恭毅公之后哉今岁乙丑先生年六十晋三其内外戚属將於冬十月一日值先生挽揆之辰称觴以介寿而乞余为寿言余以不文辞不获命因举先生生平之概略与先生所以教其子使之立功异域以偿其愿者而质言之先生其亦以余为知言而欣然浮一大白乎

柯骅威

光緒丁酉拔貢時授
陝西高州直州州判

心休曠民益善謹識
文卷不金文卷書

武举章佐卿先生六十晋三寿序

清代肇兴东土以八旗入关主中夏者二百七十年历世家法相承文武並重文科得人之盛名公巨卿魁儒硕士后先接踵焜耀简册可无论矣至於武科起家能扬厉戎行懋著勋绩者在嘉庆则有崇

庆杨忠武公遇春在道光则有宁河王壮节公锡朋山阴葛壮节公云飞在咸丰则有武陵萧节愍公捷三此数公者始皆以武生举於乡侧身营弁卒也累官提镇统兵剿贼为国捐躯伟烈纯忠至今昭人耳目乃叹朝廷以武科取士亦大有人在也忆岁丁巳余偕王玖伯观察王子辛舍人家心补饯尹往游雁荡憩会文岩下会文岩者乐清章大经先生读书处也余摩挲遗迹低徊久之慨然想见其为人特不识明德之后果有达人否耳岁乙丑有中校叶生传制来谒云其多有章先生佐卿者清代武举大经先生苗裔也太学生竹亭公三子幼矣怙母氏周氏孺人抚之稍长得伯氏修煜仲氏修熹力出就外傅晓夜读书攻苦若成人卒以质短学不进不已弃文就武日习骑射光绪乙未甫弱冠应童试即冠军补邑庠越二年丁酉举

於乡当是时先生年华方壮意气激昂自谓有此武勇风云之会直且暮间事无何而科举废宗社墟先生每与人言未尝不愤形於色盖伤其生不逢辰也先生事母孝有孺慕风事兄恭颜色怡怡壮老如一里人有细故争论不决先生折以片言咸欣然服国变后家居不出尝兴学校创民团建文阁修社庙躬自督率不避劳怨今者行年六上有一八月十七日是其攬揆之辰其哲嗣人翊孙纪明纪晰辈行将称觞上寿慕吾师名嘱传制为乞一言嗟乎余老且悖旧学荒落乌能以文寿人然闻叶生言有不能不一吐其胸臆以为快者何也自科举废学堂立文科人才江河日下滔滔者不可返矣即以武科论今之武人何者非毕业於学堂游学於岛国闻有如昔之杨忠武王刚节葛壮节萧节愍诸公生为名臣死为上鬼者乎无有也

戎马书生民国五年毕业京师军官学校工科优等大总统亲莅给
凭任浙江守卫队第一营副官适军閻杨善德祸浙随与前浙督将
百器谋倒之事泄出亡后为浙督吕公望所器重擢浙军总司令部
中校参谋兼谍报处处长八年参赞闽军平闽南匪主帥器其才称
为江左夷吾十年随海陆军大元帅孙文护法西南奔走闽粤桂赣
各省功勋卓著授陆军工兵上校衔任讨贼军总部咨议官兼第三
旅第五团团附君年方及壮才识既优而经验又富屢屢起蹈险
若夷假令自此以往行以果敢之气持之以谨慎之心则他日之成
就必更有百倍於今而为国家所大用者现当群雄分争之际逐鹿
纷纷捷足者必能先得况南疆为君祖宗发祥之地君诚有志继承
祖烈吾知太傅在天之灵未有不眷顾之者君其勉乎哉

子裳章先生六句晋四暨德配杨安人六句晋八双寿序昔
壬戌之秋余承南阁章氏之聘任宗谱纂席越癸亥甲子始蒞事
因得交章氏诸名宿而心识之窃叹天地之生才不偶而地灵人杰
古人之言不我欺也如子裳先生者邑之南阁人也南阁在雁荡之
阴居百冈峰之麓山深而谷邃四围峰峦耸拔大溪环绕形家所谓
风水所鍾之地其先世章恭毅公以科甲起家为有明忠节名臣事
业昭彰垂诸史册厥后子孙科第蝉联累世不绝吾邑推望族者以
章为称首先生即恭毅公之第十五世孙也自幼读书负大志每追
念先人之功业而心窃向往之未几以谓毛锥子文弱无用不若长
枪大剑之可以立功异域也爰弃文习武受业於横坦林遇套茂才
之门先生器宇雄伟技勇过人大为茂才所赞许以为异日必掇巍

科登高第足备国家干城之选光緒庚辰岁入邑庠戊子科中乡榜已丑壬辰乙未三赴京会试奈运同李广均下第而归由兵部颁给验照发回本省宁标效力以把总补用居无何目睹时局日非语人曰国家讲武练兵防外侮也今外国日强吾国日弱庚子一役外兵入京而两宫西狩甲午之战我军又败至割地以和此真吾国上下卧薪尝胆时也而窃见夫督抚大臣提镇宿将苟且偷安恬不为怪上有好者下必尤甚清室其将亡矣昔人云覆巢之下必无完卵苟不见几行将自及遂辞归退处闾里澹泊自安然犹恐间游无事不足以训子弟也於是设药肆於村习活人之术经营商业恍有鸱夷子之风光緒乙巳岁擢举既罢各州县均创设学堂双溪义塾亦奉諭改办先生承地方公举为监督主持一切旋复辞去优游里巷以

其天生平俭朴自持衣不华丽食不珍错在族党间无忌刻亦无贪求遇事直言无隐接人和易可亲故人未有訾其后者先生洵可谓善於自全不愧为古之隐君子矣德配杨安人性情淑慎中馈称能一切家政深资内助乡里贤之子二长纪堂业儒次纪元业商女三长适小荆杭州师范学校毕业冯匡次适岩头余银方三适北商杭州安定中学毕业李林方外二近京近畿今先生六十晋四安人年六十晋八精神强健无异壮年一堂济济蔗境愈甘诸亲友谋制锦以为寿而乞叙於余余既悉先生之为人而又叹章恭毅公之流风未艾至今日而复有如先生其人出於其间因不揣谫劣书之以为诸君子侑觴之助云

南閩道... 趙連城... 恭介章古愚先生六旬荣庆序... 人生天地间有不朽者三焉曰立德立功立言是也三者咸备则可以与日月争光可以与山河並永盖寿莫寿於此矣顾是说也自古圣贤豪杰忠臣义士到此者能有几人其或以导引吐纳烧丹服饵炼气归神而求其所谓长生久视者世虽或有之然亦得什一於千百而已若夫鸟啼花落山峙川流静观自得颐养冲和则修身复性於以永年类仁智者之设施也吾於南閩得章君古愚其人焉古愚余老友也幼习举子业性最敏过目即成诵为文颇合体裁旋以毛锥困人乃弃儒而习商以贩茶为业往来海上及苏申营口等处近三十年广交游善结纳博通声气凡申苏诸要人莫不欢迎快睹延

趙連城

恭介章古愚先生六旬荣庆序... 人生天地间有不朽者三焉曰立德立功立言是也三者咸备则可以与日月争光可以与山河並永盖寿莫寿於此矣顾是说也自古圣贤豪杰忠臣义士到此者能有几人其或以导引吐纳烧丹服饵炼气归神而求其所谓长生久视者世虽或有之然亦得什一於千百而已若夫鸟啼花落山峙川流静观自得颐养冲和则修身复性於以永年类仁智者之设施也吾於南閩得章君古愚其人焉古愚余老友也幼习举子业性最敏过目即成诵为文颇合体裁旋以毛锥困人乃弃儒而习商以贩茶为业往来海上及苏申营口等处近三十年广交游善结纳博通声气凡申苏诸要人莫不欢迎快睹延

好恬退虽技艺之未无不研精乃於旧居之西一二里许其名曰清
山洞之中地平旷田可百亩处士爱其幽寂清幽辟士为基叠石为
埔创屋其间前后数楹左右楼阁环植竹果引水为池地甚饶沃产
物蕃茂凡耕耨耒耜之具罔不毕备择童仆勤於农圃者居守又於
旧居之东百餘步有地坦夷故名曰坦头周围凡五十亩垦辟为田
但素高亢处士相度溪流发源高处逾二里许浚沟引水灌漑禾稼
秀实倍常处士往来巡督或於良辰吉日延致故旧宾朋咏诗讲书
奕棋酌酒徜徉弥日与木石居与渔樵侣其平生质性耿介笃学力
行雅怀逸志於富贵宠荣声利之事一无所好真可谓高蹈出尘而
乐天知命者也处士九男一女初以家口之众分析异爨今复为一
云因其请书平园耕乐故历道其实以记之景泰四年癸酉四月
流上

从谢二铎公之至故壘令其子成業乘南渡去將歸亦與只姑于已

忍庵记

忍庵章公尝谓予曰吾性下急遇事不可於意者辄不能忍子之从
父贞肃公因以忍名吾所居之庵且曰吾将为尔记之庶几顾湜之
际恒有所警而不忘焉吾懼斯名之未易踐也不敢以请以至於今
每一思之未尝不惕然於中谓公之意不可以终负而公已不可作
矣然则兹庵之记不子之属而谁属哉予逊避不敢当公之诸子慎
德达德率固要之不已属予予方有召命未遑也乃持其卷以归衰
病之餘官事丛脞往往有不能忍於忍庵者因自反曰吾其有愧於
公多矣书曰必有忍其乃有济论语曰小不忍则乱大谋是欲济大
谋而不乱者必在乎忍而非忍固不可也然忍之义不同有不可不

忍者容忍之忍是也容忍之忍不可无有不可忍者残忍之忍是也
残忍之忍不可有此君陳之忍所以膺多福而終有詞季氏之忍所
以不至於弑父與君不已也公年愈高而識愈進顧名庵之義矯性
之偏小心黜已含垢藏疾一朝之忿必忍之而不發橫逆之加必忍
之而不報至其不忍人之病而危也則為藥醫以活之不忍人之貧
而死也則為棺槨以葬之凡若此者皆足以見公之能忍於不可不
忍而不忍於其所不可忍者矣公諱嶽字大猷世居乐清之南閣先
翁平園公之靜退伯兄宗伯公之貞節又聲仁聞蔚為東南望族而
公隱然以一庵克紹其家於不替諸子方且爭先振勛以豪杰自負
駸比之勢殆不可遏然則茲庵之澤夫豈得而涯淡之哉公予之再
從姑之夫公之子達德今復與為重親南閣去桃溪不思尺故予與

公之相聚處也最稔而公之知予也亦深乃不敢辭因撫公家世行
事之實與忍之所以名庵者歸之不識公以為何如也

公重恩堂記

而其齋名重恩堂者與音大善也

記曰重恩堂者恭毅章公所構以對揚君寵之堂也公以忠貞大節
為時名卿而先後數世俱荷褒嘉而膺寵命乃於成化丙申構是堂
以為浩救之藏而扁曰重恩蓋不敢隱君之賜也铎於公桑梓為鄰
斗山在望欲致式閭之敬者有年以羈王事不果茲幸得休致矣始
獲謁公墓而因以陟公之堂見所見聞所聞不能不重有感也乃因
其主大參君順德之請而為之記曰地靈人杰室陋德馨自古志之
矣予今其有憾於斯堂矣堂位南山之麓南山高大而軒翔峨峨成
鴻飛鳳舉之形而左昂右伏有龍蟠虎踞之勢至其屹立而当前者

又若展旗挂榜然嗚呼奇哉一何瑰絕特之如斯哉據茲勝概萃
爾英灵宜公之杰然为皇明第一人而帝澤皇仁纶音睿藻炫耀於
一堂也然公之官固二品也而堂之制則田舍翁之不若時詰其所
以隘且陋狀予表弟臧公之从侄也起而答曰先公素性朴茂不治
产业官之餘取以置书家之余用以奉宗庙周贫乏一身之外无长
物也方是堂之初构也厅事前皆为臧祖所有一日温之太守来访
从旁之便门入仰而叹曰有官居鼎鼎无地起楼台公之谓矣乃劝
臧祖使分其所有方辟一门砌一路予闻斯言不觉惕然内愧因思
公之德不可名而其徵於斯堂者则有六善也俸小华居可以观清
居不过侈可以观俭重宗庙而卑官室非孝乎廬屢施而缓葺治非
仁乎不以贵而敌亲顺之至也不以处而忘君忠之余也夫以一堂

之构而輒有六善之并矧其国尔忘家瘠己以利天下者又有君伯
此者哉而故翁嘗謂世世之善者亦志願也世之善者亦志願也夫
文陳晉格本感玄洞實世也恩感世也恩感世也夫文陳晉格本感
非以忍庵章公义楼记
惠不在大亦不必遍惟处之有道且常久焉不变则感乎人者深矣
吾闻浙东忍庵章隐君有志於天下而未遇者构楼于邑治之东驿
头舖之旁地名白簪香去公旧居十餘里公始以乐清温之大邑驿
头又乐之通衢凡台之黄岩太平辐辏於此远而闽广江右吴越亦
於此焉会客自他之四据来者暮必抵是经宿而去客初苦於旅舍
不便公慨然斯举以居客凡寝食器具靡不悉备楼之旁公之山也
周遭於楼者公之田也公仍捐近田三十亩给守楼者岁取薪旁山

五所以供客匕病有医死而无归者予之疾楼北界以水公驾桥以便涉客於是止者日众公以上下混居且狭增楼屋若干使栖止各有分也客德公久矣谓世之富者拔一毛之不为固非义也奢而愚者建浮屠以饭僧尤不义也公惟随分处事不爽权度使饥者食劳者息不义而能之乎况先正给田以贍宗族今构楼以居客且得先王旅馆之遗意其义又当何如请以义名归公公却之再四而来者益歌闻者益颂义楼之名大震远迹公复虑其惠泽止於所及见每以常久为诸子喻公意遂各为保守之计若慎德者谓斯楼之建吾亲不忍之所发世必以忍为守则斯楼永矣乃倚楼之南家忍堂次而达德者谓斯楼之建吾亲志愿之所在葬必以志为大则斯楼永矣乃於楼之北为就养居又次而振德者谓保养天和莫先

於乐吾亲之乐在斯楼也必於是楼而永则亲寿高矣作寿椿堂於楼之中焉至而慎德之子宗祀嗣固德者公之冢孙也公怜其幼作绳祖堂与义楼对峙以居之使诸父之永斯楼也若夫达东雁亭之壮观非又欲斯楼与雁山相始终耶是则公之惠久而感人之深者可卜也已且公之大兄恭毅公扶持国本屢挫不屈倡义於前为显者荣公为此举义和於后为隐者之德一门之义用则行之舍亦不失其所施章氏其昌乎公讳轍字大猷太史方石谢先生尝为忍庵记以纪公善谕无容言谕於公之侄大方伯为门下生与公之子慎德为太学辅仁友乃敢僭为义楼记姑以寄庆云

侯 敬

章氏义楼石亭记

若弗称予视而恐乃经营修葺移撤工曹度材鸠工分属治之工告
訖稽於旧天顺戊寅乐清章公纶为本部右侍郎尝有事于修葺有
碑略记其事盖公初为礼部郎中於景皇朝谏易储被杖几死久系
狱中英庙复辟论公忠夔始超为本部右侍郎未几改吏部成化庚
寅复升本部左侍郎而为之记越今六十餘载岁适庚寅又事修葺
若有数焉顾薄劣生邻公桑枝生平仰公孤忠盛节愿为执鞭而不
可得乃今继公官此修葺之年偶符作记之岁不能不为之兴感也
夫士之遇世富贵一时德名千载后之视今亦犹今之视昔况斯人
声迹所在焉知他日不曰某尝仕此某尝为此或兴资法或存鉴戒
岂不重有感於兹乎噫可懼哉因识自微并识董役名职以俟将来
考之嘉靖庚寅书

方洵武

朝邑人进士

南陶章氏祠堂记

礼曰君子将营宫室宗庙为先乐清南陶章氏其先闽之浦城人后
唐括苍提举讳贲公精熟堪輿迁今地已历四五世於兹矣其有宗
祠也实自提举公子官皇宋太尉讳务公始相传提举公草昧初开
即所居后层高楼以其上为宅社下为祖祠此非慢神盖势不行也
迨太尉公及期致事优游林下亟为斯举曰吾将成此堂构前以妥
祖宗后以黻子弟自顾两鬓雪霜更何可待维时度基筮日鳩工庀
材经始及落成之年月皆失识亦未有记其事者今其元孙邓州推
官曰旻尝与予盘桓京邸久顷游雁荡便道叩庐诘朝观里中名胜
至于祠也在水口去所居及里而近大道之旁甲其山庚其向前门

儲位以推猶子之义忤旨逮系备捶楚炮烙之刑慘酷万状天顺改元始释还职又特加升进以旌其忠而公之名益著嗚呼我太祖太宗驅翦胡虜抚绥华夏勳德之隆古未前聞列聖嗣承繼明累照传至英祖未始有闕德也亲征虜寇志拯民殃而为奸臣所誤駕留北庭景帝以監國即真固一时救乱之权宜乃併儲位易之此天命與情所不与者当时公卿百執事固先朝食祿受秩之臣也顧饗豢富貴无一语趋和劝相恬不知耻独公以五品部曹又激于衷抗疏力谏开迷撤蔽起頽振靡國是既播而欲棋神器已敬而欲正天下之所獲賴者翕然兴焉及宪庙绍统迄於今日天下晏然享熙溢和平之福蓋列圣之勳德錫祚无极者固非藉公之言而公极言之则公之心所自尽者也方公之以身殉國豈逆料亲睹再治之休哉昔

司馬溫公嘗請宋仁宗建儲副謂自公卿至于庶人皆知当今之务无此为急各畏忤旨之誅莫敢进言若公之所遭又殊有难焉者公在官凡四十年凡朝政得失生灵疾苦知无不言言无不尽前后数十疏尚德者编为卷帙梓行之而瓚独论此者举其大也公既以节义为天下望固守以往未尝少贬以从时权奸惮之故为左右侍郎十有八年皆处南国显挤潜沮弗复改擢公益厉以裕终不自悔议者以公有汲长孺之刚直鲁宗道之骨鯁庶为确论古者以劳定国有功世教类得血食于世况乡国哉郡守邓侯安济既祠公郡城弘治壬戌春掌县事郡节推闽中何侯重器又作新庙于邑治之东以迓栖灵爽庙貌肖赫庭堂觀深创列条范时修祠事公长子玄应为广东布政使次玄会为太仆主簿皆远廩官守从子玄贞玄斌以何

侯盛举不可无纪请瓚文诸丽牲之石以示远行后瓚闻公入狱之
际沙雾四塞属纆之辰山石崩坏有见公乘白马入雁山者瑤香驿
白马适毙是孰尸之苏轼曰匹夫而能动天地则必有道公嗜学无
欲嗜学则理明明则行力无欲则刚刚则不撓於流俗公之大过
入者有本故也精华英伟之气不随逝逝尽生为名臣歿为明神乃
理之所必有生长游学之地是宜永食专祀以风厉天下忠义如何
侯之为者近邓侯纂辑郡乘於我朝忠义录得二人焉曰户部侍郎
卓公敬及公公之行实具於铭状年谱者甚备而庙额则因其所赐
溢云铭曰禄我爵我维忠维良遭变则奋其翼可忘公疏上陈正义
以张知有社稷不见斧斨盈廷岌岌公弗易常宁为兰蕙瘁于风霜
无为萧艾雨淫露瀼千进纷纷孰祗尔芳我秩则下志神宏纲前星

退舍将焉耀光一念之诚可质九庙楚毒之声行道喟悼天地我临
日月我照惟臣死忠惟子死孝我诵古言期以允蹈天佑皇明嫡统
永绍拜貳春卿式昭公道维方弗泐维官弗调天厚公社国有信史
皇敷明诏以书以纪公疏万言具该颠尾天厚公社公有孙子以发
公遗紆朱袞紫皇敷明诏锡溢锡祀天厚公社一节考终惟人慕烈
惟皇念功拟称惟伦曰毅曰恭簠台之麓焯焯新官到牲蒸肴交鼓
考钟岁时登荐有仪有容匪曰私公允以劝忠於昭令闻与国无穷

何舜岳

臨海人洪士
无何真知县

南商章氏祠堂改基重建记

南商章氏之有祠堂也昉于始迁之二世宋太尉讳务公殆阅六七
百年於今矣观诸规模器局虽未滿厥愿望然而灵爽式凭肄业安

迺雅皆有济又奚事於重建哉盖以太尉公之言妥祖宗即以谷子弟子弟有长有幼便於长而不便於幼所为谷者犹未周也童以日深月久雨蚀风侵不无崩坍圮敝之隙族之耆长誉髦遂群起而谋迁徙董其役乃未阳所称民之父母表陟瞻者实于都门即次同龔老友也天涯相依斯文骨肉契阔而后正切遐思忽闻叩门剥啄声甚急启扇则即吾友祠堂工既竣使人求记也子开城观膜见其祠意恳勤而又颁锡盛币愧奚以堪窃思今之祠堂即古之宗庙虽古庙制详备今祠堂不过有屋数十楹奉先人神主再或可作书塾不能与古适相符合而章氏前祠若不肯简略者此所以称瓯郡名宗甲於海表予尝於老友案头见其先尚书公手緝世宦世恩二录奕叶无间简册生香今兹之役便成人并以便小子是其燕翼诒谋

之思至深且密予虽未睹新旧两祠太约为之前而美以彰亦必为之后而盛以传规模器局自不至於相刺谬行见早柳暮灯书声满屋菜芹折桂观杏慈恩子子孙孙勿替引之如是则吾老友之心以慰太尉公在帝左右之心不更慰乎哉祠基旧在九角地今桂花街南士人称上堂其门塾堂寝左右掖厢均移自原祠无少异予皆询诸使者而为之记

陶士霖

鹿鹿人进士監製御史國營兵備道

重建乐清城章恭毅公祠堂碑记

世有藉尺寸威柄附其焰者辄为起生祠标大碣乃不旋踵而墟其子若孙蒸尝不能守此盖电炫於一时而非有可歌可泣者动人於數百年以后也乐清明故尚书章恭毅公为正统间名进士宏博瑰

丽学富经坟而其雄跨不可遏之气尤以植大纲揭大义为已任官
仪部郎中时上陈修德弭灾十余事侃侃惻已不复知有讳词迨景
泰元年秋英宗自瓦剌入居南官明年正旦延安门废朝见礼夏五
月又废后汪氏及太子见深当此之时朝纲之大不绝如线在廷诸
臣皆唯唯署议相顾莫敢一言公独毅然疏言上皇临天下乃天下
之父陛下受册封乃上皇之臣又言宜复后位以正天下母仪宜復
旧储以定天下大本凛凛乎义炳日月词厉冰霜自是国维赖以立
神器赖以守人心赖以定公议赖以伸其心甚苦其节甚宏也虽下
诏鞫狱炮烙鞭捶惨毒备至公乃安之如衽席甘之如芳饴盖其志
知有君亲而不知有禄位知有彝纪而不知有死生若公者可为一
代之伟人矣厥后英宗复辟出狱为礼部侍郎劲气直节曾不少挫

斯其以身存国扶持世教为何如也朝廷且列祀典以彰忠荃天下
之被其泽闻其风者皆将追思而俎豆之况所生之郡邑哉况其子
孙哉考公郡祠在郡东南隅简讼坊由郡守随时补葺以资永久惟
邑之东皋山下旧建祠宇为风雨倾圯年久失修今其后裔明经章
连等请於邑侯王明府世筮捐廉修治择该祀生德永主其事而落
其成复来请於余曰愿乞一言以为志余既嘉明经之孝思王侯之
盛举而顾瞻慢恍想像风徽而叹公之忠义足以敦薄而廉顽迄於
今垂三百余年犹赫然如前日事以视脂韦成习苟安目前与草木
同腐者相去曷可以道里计谨书此以昭忠魂並以风示天下云尔

附乐阳县章氏家庙庙基丈量碑图记

祠基前至祠岸后至墙外山脚长三十一丈六尺正堂基左至墙外

叶家地右至墙外黄家地阔一十一丈两边俱带墙脚正门基及塘
曲尺左至黄家墙右至墙外黄家地阔一十三丈二尺右边带墙脚
门外地至同前阔一十三丈右边带墙脚正堂三间中庭三间台门
三间忠节门内石桥板四条
知县林刻石年月日同王瓚碑记
恭毅公十八世裔孙章庆誉谨抄志

癸而路烈然一女子氏姓李然文而通商其文推其宜天心也
苏轼莫曲文新篇一沃河决根其益料文决文与文取
建安章质夫筑室於公堂之西名之曰思吾将朝夕於是凡吾之所
为必思而后行子为我记之嗟夫予天下之无思虑者也遇事则发
不暇思也未发而思乏则未至已发而思之则无及以此终身不知
所思言发於心而吐於口吐之则逆人茹之则逆己予以为宁逆人
也故卒吐之君子之於善也如好好色其於不善也如恶臭臭岂复
临事而后思计议其美恶而避就之是故临义而思利则义必不果
临战而思生则战必不力若夫穷达得丧死生祸福则吾有命矣少
时遇隐者曰孺子近道少思寡欲曰思与欲若是均乎曰甚於欲庭

有二盎以蓄水隐者指之曰是有蚊漏是日取一升水而注之孰先竭曰必蚊漏者思慮之贼人也微而无间隐者之言有会於予心余行之且夫不思之乐不可名也虚而明一而通安而不懈不处而静将以记思堂不亦善乎

杨

建安人明中先夫南京太仆寺少卿

越国夫人练氏祠碑记

天下之事惟无所为而为者虽一介之取予一夫之生杀皆足以致闻誉感人心动天地往弗爽也而况拔豪杰之死命却金帛之重赏救生齿之繁而至於一城之众耶就使有为而为为其为盛德已不资矣况出於衷曲之诚而一无所为邪其在伟丈夫行之已为难事矣而况孱然一女子乃於卒然之顷而顾优为之耶是宜天心所以

眷佑之不已人心益以思慕之不忘也岂特所谓死可祭於社而寻常捍灾御患者邪嗚呼此我建州越国夫人练氏之功之德所以越数百载而犹如一日也崇祀报功之典庸非为良有司者之所不容缓也邪盖尝庄诵我太宗文皇帝为善阴鹭所载暨有宋郑穆公亮我朝宋学士濂传赞所称述者亦已详且备矣余复何说焉然窃谓论夫人者非但仁而已盖有知人之智焉有应变之权焉有临财之廉焉有临难之义焉而其中之所存有过人者不可以言穷而可以意喻也按夫人讳建州刺史章公仔钧之配也生而毅贞智识绝人公仕闽方统兵以御南唐李氏於浦城之西岩适唐兵来侵公遣二校曰边王建封者请师於州淹雨失期将斩之夫人以公尝有言奇二人也乃以时值多艰奈何欲执常法以斩壮士悟公乃密谕

之令速去遂逸入南唐俱为大将后南唐遣查文徽帅师伐闽犒为行军招讨使建封为先鋒桥道使攻建州克之耐公已歿久而夫人犹存一将厚以金帛遣夫人且授之以白旗一约曰行且屠城宜植此於门可保无虞谨已戒士卒勿犯矣夫人即举金帛并白旗返之且告之曰君幸思旧德愿全此城之人且与谋者止数辈尔城中者幼不下数万皆无罪也必欲屠之吾家宁与俱死耳不独生也二将感其言而止 城生聚遂以无虞夫人力也夫方其功公不欲执常法以斩壮士且使逸去以全其生是其知人之智应变之权固已过人远矣然庸知二校之必有以报己邪及其城陷获免孰不自以为幸也乃辄返金帛欲与众死而城以全是其临财之廉临难之义岂非为人之所难为者耶此其一念之诚固无所为而为之耳又庸知

天之必有所报而始为之耶既而其子十五人其孙六十八人咸著才猷並躋通显而曾玄以下表表杰杰出者不可胜纪宦游四出随地占籍自建安浦城旁及龙泉新昌永康乐清苏湖江浙兴泉诸郡皆其裔其派瓜瓞绵延何其盛者若宋郁国公得象以崇勋而秉钧轴宝文侍制衡以雄文而冠多士庄敏公藻以伟望而宅西樞我朝大中丞溢以硕德长才而辅翊太祖高皇帝鸿休大业嗣是以来大而出以用世小而为世用者益远益炽孰谓天之所以独厚於章氏者不自夫人所致邪夫人莹域正当府治之后未有祠宇以虔祀事郡人恒歎焉正德庚辰朝例黜毁藩祠二守太仓姜公龙奉行惟谨乃即城西所谓天妃宫者出其像易其扁奉夫人神主栖之以享春秋祀民情咸翕然也已而夫人新昌二十四世孙建安县典史慈展谒

乖宜虚辱积瘁带围渐灭床褥时淹既侍疾於萱堂倍怵怀於薤露
劬劳未报难忘树背之忧奉养何入益切棘心之感环连母子声並
和夫呻吟药误君臣效莫收夫瞑眩女以传闻叠至向视躬亲洪濂
何辞愿取中裙而浣水弥留待诀勉擎华烛以入房泪眼珠含柔肠
丝割意留调护兼伸儿女之诚信急催归竟迫重严之命旧庐初返
凶耗随来请朝而怆失尊章越宿而痛亡灵匹故鬼新鬼聚恶讖於
鹤鹑上弦下弦断悲声於鸾鹤抚膺抢地仰首呼天莫问前因忆射
雀屏而中目早知今日预怀鸩毒以隨身有意同归何心乞活嗟乎
香含罌粟原来薄命之花性异柔桑不作寄生之草金寒碎玦玉化
成烟纪一曲之姑恩灵乌反哺缔三生之夫婿清白盟心允推贞孝
之女宗卓冠整齐之妇德矣东饫闻馨烈历证彙编系金斗而磨筭

书粉扉而缙带悬轭绘礼宗之画墮楼空介士之围要皆眷切绸繆
赴义途於潜阙亦且指难缕屈留砥柱於爱河未有横槎尚阻双星
告庙远违三月春迟梅聘歌茱苒而神伤秋早松凋焚椒兰而香远
女贞树古第一枝谁並高板阴律声清无双谱独弹创调待看荣遯
绰楔恩锡鸾书还期墨洒渝麋惠贻凤锦花开梦管尽成旌节之花
玉覃挥毫胜刻茗华之玉下笔有关名教正风力挽乎变风赠言默
荷褒荣诗史增光於女史

克以垂久远为此联名葡轅金叩伏乞老父台恩准申详请示勒碑
庶我仁宪之鸿恩与先太祖之遗迹共山高水长而不朽云等请具
呈前来除批示外当即据词申请府宪业经回文批准合行出示勒
石永垂久远本县查知章显公为章恭毅公七世祖该生亦属名臣
后裔须知邱莹扞表为子孙尽孝之事嗣后春霜秋露岁时祭扫慎
守勿替倘有不法之徒仍将泥石堆积许即指名禀究其各凛遵毋
违特

光緒八年岁次壬午孟春月吉日 南閩章氏裔孙同刊立

示文

呈词

董鼎魁

字梅村乐邑花坦
村人清邑增生

请旌周烈女呈词

为贞烈堪嘉金求恩准洋请旌奖事窃惟节烈乃闺阁所罕闻旌表
实朝廷之盛典兹缘乐邑廿二都山乡南厝村有职员章心坦之居
媳即监生章大钟之处妻家住桐洋系出周氏幼曾嫗夫闺训长常
凛乎女箴嫁必待时未咏于归之句年方及笄将歌迨吉之章无如
时运不齐命途多舛夫病而兼姑病恨汤药之未亲迎门始得临门
识容颜而即别不幸姑及夫隔日而逝竟辞祖与母服毒以殉矢志
靡他未同室而愿同穴伤心不已遂忘家而并忘身是以视死如归
乃能履险若坦甘心瞑目不第借贞女烈妇相率交称决意捐躯殉

文其容民不尊也名山大川一方之望也山川岳渎天下之望也故君子之賢於一乡者一乡之望也賢於一國者一國之望也名烈著於天下者天下之望也功德被於后世者万世之望也孝慈友悌達於一乡古所謂乡先生者一乡之望也春秋之賢大夫若隋之季良郑之子产者一國之望也位於中而奸臣賊子不敢窃发於外如汉之大将军出入将相朝廷以为轻重天下系其安危如唐之裴丞相者天下之望也其人已没其事已久闻其名想其人若不可及者夔龙稷契是也其功可以及百世其道可以师百王虽有圣贤莫敢过之者周孔是也此万世之望而皆所以为民之表传曰其在贤者识其大者远者章君儒其衣冠气刚色仁好学而有志者浩然修乎其外而粹然充乎其内以发乎文辞则又辩博放肆而无涯是数者皆

可以自择而勉焉者耳是固能识夫远大者矣虽予何以勗焉第因其志广其说以塞请

苏轼

送章子平知郑州序

观登进士录自天圣初迄於嘉佑之末凡四千五百一十有七人其贵且贤以名闻於世者盖不可胜数其上之三人凡三十有九而不止於公卿者五人而已可谓盛矣诗曰诞后稷之穡有相之道我仁祖之於士也亦然较之以声律取之以糊名而异人出焉是何术哉目之所阅手之所历口之所及其人未有不硕大光明秀杰者也此岂人力乎天相之也天之相人君莫大於以人遗之在位之二十五年进士盖十举矣而得吾子平以为首子平以文章之美经术之富

政事之敏守之以正行之以謙此功名富貴之所迫逐而不救者也
虽未首举其孰能御之然且困蹶而不伸者十年於此矣意者任重
道远必老而后大成欤不然我仁祖之明而天相之遺之人以任其
事而岂徒然哉熙宁二年冬子平自右司諫直集贤院出牧郑州士
大夫知其將用也十一月丁未会於观音佛寺相与赋诗以饯之子
於子平为同年友众以为宜为此文也故不得辞以序之

韦基烈

前进士

全城阴德志序

柘浦旧太傅芝城练夫人其钟秀当何如也壬子春承耀翁章先生
令德来教长郎名程次郎名和及同学诸子九人端阳次日游曰羊
坟之山阅其碑乃二世祖妣章母刘太夫人之墓美哉始基之矣志

载曰羊坟地鹧鸪微时此墓已甲於柘浦矣谈及府治之墓同堂者
此三世祖妣练夫人也因返金却旗救活建郡百万生灵阡葬於此
嗟乎章姓若子若孙歌斯哭斯聚族於斯克昌厥后其殆夫人欤及
游於西岩之顶有庵在焉住僧为予言此章太傅行兵雄镇以卫桑
梓处也登眺之下高望四远他兵不敢进则前后受敌宋相得象
公亦曾读书於此噫后之子孙登此山者能勿动高山仰止之思耶
癸丑科会试道由新岭父老自相告语此路若非昔年章太傅开辟
必须绕村而过今由此岭直透仙霞省多少曲折噫后之子孙履斯
土者能勿动景行行止之想耶予抵京师登进士第殿试天子廷接
同寅章姓自江浙而南来者叩其源罔有不云吾先浦城太傅渤海
郡练夫人之苗裔也老年兄路经柘浦其墓祠所知者烦为道之子

疊嶂名胜甲於柘浦因閩佳城見坟首为异姓所葬心窃异之归而
访其子孙则有章锦章和辈俱身游成均胶庠间彬彬可观始知阴
鹭之后必有伟人其信然哉谈晤之际及白羊坟为朱姓盜葬予乃
亲往观迁之以全积善之报续章氏子孙以全城志书送阅且丐一
言以为序披阅之下所見太傅公及练氏夫人顛末其中或序或传
或诗词或匾联碎金积玉纪氏之管皆青绣虎雕龙张家之文悉紫
固皆妙同黄绢抑亦选及青钱不禁喟然叹曰嗟乎古所称才德兼
全而名垂竹帛泽及万方者此殆其人欤回忆少时之闻所闻而来
者今已见所见而去矣迄今上溯唐晋逮我圣朝数百余年崇德报
功血食常飨旌恩褒义祀典不衰建州之民歌颂称道弗置岂非入
於民者深感於者切始有此口碑载道亘古如今也哉其家之子孙

繁衍簪笏满堂者盖其所由来者远矣予既叨巡是邦又承诸生力
请敢不述一言以为表扬至夫人之却金返旗义释二将临危片言
足垂不朽则集中已详志之固不俟乎之多赘时清乾隆十六年夏

为纪念

出關村孤身保費

孤身保費高致死扶功高过人人贊美德慈普一生良方濟人
孤身保費天下行深澤一家生名垂千古世人感佩
孤身保費孤身保費孤身保費孤身保費孤身保費孤身保費
孤身保費孤身保費孤身保費孤身保費孤身保費孤身保費

虽垂不特顺梁中... 章氏宗族... 幼习医中... 精神至诚... 般飞来... 为纪念... 冯圈村冯寿保赞... 医德高尚... 年过耄耋... 中国农业... 生一世医德... 最高忘自己... 救人性命... 作奉献... 助人为乐... 美精神

赞名医章文兴

并序

章氏宗族山东临清唐乡西吊马桥村支派裔孙章文兴自幼习医中... 精神至诚至德人人感激有口皆碑此次续修宗谱赞诗颂语雪片般飞来一致要求将其一生德绩入谱作为后辈楷模特选数篇以为纪念

冯圈村冯寿保赞

医德高尚救死扶伤功高过人人赞美德慈善一生良方济人年过耄耋桃李天下免费行医奉献一生名垂千古世人永颂中国农业银行烟店营业所栾子民赞生一世医德最高忘自己救人性命作奉献助人为乐美精神

流芳千年

烟店信用社王灿璞

免酬行医良方济世救死扶伤奉献一生慈善一生德高望重
行可楷模后人铭颂

自忠中学校校长栾石毅

医德高尚仁慈善良救死扶伤热情满腔银针除病万民安康
赤心教人族谱增光

唐园联中校长李福珍赞

承先世之阴德终生与人为善继国医造诣精名扬乡里市县
行医踏遍千家不顾风雨暑寒救死扶伤为乐甘愿通宵夜半细心
诊脉辨症用药神效无边银针一支除病赢得万民康健人老心红

似大服务热情周全医德高尚堪仰章氏族家增颜

WENZ

一九三〇年


先國行醫務方濟世救苦功著一王真學一

行可楷模后人銘頌

自忠中學校長高銘石書

赤心救人在濟世光

行醫踏過千重



LIBRARY

溫州府立醫院

WENZHO

名揚多里市且
通有夜半細心
及建人老心工